



Broj: 01-191/21
Vareš, 28.10. 2021. godine

Z A P I S N I K
sa 8. sjednice Općinskog vijeća Vareš,
održane 30.09. 2021. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Emir Islamović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Nema.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV otvorila je 8. sjednicu s početkom u 15,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa i gosp. Ibrahim Spahić, rukovodilac JURA – gosp. Rusmir Berberović, Ispred Službe za privredu, finansije i trezor – gosp. Mirza Fatić, komandir PVJ – gosp. Izudin Muftić, predstavnici Kantonalnog zavoda za urbanizam i prostorno uređenje ZDK, predstavnik Terenskog ureda OSCE – gosp. Daut Bajramović i predstavnici medija.

Sekretar OV Leon Pavlović izvijestio je Vijeće da je na 7. sjednici OV održanoj 29.07.2021. godine, Vijeće donijelo četiri (4) zaključka. Zaključak koji se odnosi na aktivnosti pokretanja postupka za izmjene i dopune Statuta Općine Vareš su u toku realizacije. Zaključak kojim je Prijedlog Odluke o davanju stanova u zakup vraćen Službi za prostorno uređenje na izmjene i dopune, nije realizovan (Službi OV još nije dostavljen Prijedlog Odluke). Nadležne Službe su upoznate sa dva Zaključka vezana za preporuke koje su upućene Službi koja radi na vodozaštitnim zonama na području općine Vareš i Službi za opću upravu, društvene djelatnosti i boračko-invalidsku zaštitu. Postavljena su četiri (4) vijećnička pitanja. Na sva pitanja je odgovoreno. Podnosiocima pitanja i svim ostalim vijećnicima dostavljen je pisani odgovor.

(Izjašnjavanje vijećnika o dobivenom odgovoru)

Vijećnik Mirnes Ajanović uz dato pojašnjenje predložio je da OV napravi pauzu od 10 minuta kako bi Vijeće sačinilo zajedničku izjavu za medije i građane u vezi sa aktuelnim dešavanjima narušavanja međunacionalnih odnosa na općini Vareš. Predsjedavajuća OV je uz obrazloženje izjavila da Vijeće može pod tačkom Tekuća pitanja sačiniti Izjavu.

(Vijećnička pitanja)

Nazif Hajrić

1. Na 7. sjednici OV sam postavio vijećničko pitanje da se ukloni rastinje i da se izvrši sanacija puta između Pajtov Hana i Striježeva. Dopunio bih to pitanje. U kojem periodu će se uraditi uklanjanje rastinja i sanacija puta? S obzirom da je pred nama zimski period zbog težeg saobraćaja između te dvije dionice. Molio bih i pismeni odgovor na ovo pitanje.

Nurdin Begović

2. Ko je (su) i po kojem osnovu trenutni korisnik/ci Centralne radionice? Koliku naknadu plaća/ju korisnik/ci Centralne radionice?

Vijećnik Nurdin Begović uz dato obrazloženo upoznao je Vijeće sa Inicijativom za uspostavljanje i održavanje rasvjete u ulici Glavica, Korovinjići i Benići. Istu je i predao.

Emir Islamović

3. U proteklom periodu koliko je Općina Vareš dobila sredstava i koliko je finansirano projekata sa viših nivoa, koliko je realizovano i koliko je ostalo da se realizuje?
4. Pitanje se odnosi na industrijske zone. Zna da smo dobili u proteklom periodu određena sredstva, dokle je došlo sa realizacijom tog projekta i da li su uložena određena sredstva?

Salih Memić

5. Šta je sa projektima koji su aplicirani prema Vladi Federacije Bosne i Hercegovine? Zašto nije ni jedan projekat od 5 poslanih prošao? Na navedeno pitanje tražim pismeni odgovor. Pitanje je postavljeno Općinskoj službi.

Vijećnik salih Memić uz dato obrazloženje upoznao je Vijeće sa Inicijativom za pomoć u vezi liječenja četverogodišnje djevojčice Asje Mahmutović u iznosu od 5.000 KM. Istu je i predao.

Amela Brkić

6. S obzirom da sam upoznata da je bio projekat sanacije sanitarnog čvora JPU Dječije obdanište Vareš i da su odobrena sredstava u iznosu od 3.000 KM koja su i uplaćena na račun Općine Vareš, međutim nikada nisu uplaćena na

račun JPU Dječije obdanište Vareš. Kada se može očekivati uplata tih namjenskih sredstava po tom projektu?

7. Kada možemo očekivati sanaciju dijela puta koji vodi do javnog parkinga (preko puta PS Vareš), koji je ujedno jedini u gradu koji imamo? Riječ je o kaldrmi koja je vodom isprana i nemoguće je novijim autima prići. Kada možemo očekivati da taj parking bude funkcionalan?

Asmir Čizmo

8. S obzirom da ne znam u čijoj je nadležnosti spomen obilježje rahmetli Kemi Begiću, da li je u nadležnosti MZ ili Općine, interesuje me da li može doći do sanacije istog? Znam da je u zapuštenom i skoro u ruševnom stanju. Ipak je to ugledni član koji je dosta doprinio našoj lokalnoj zajednici.
9. Pitanje se odnosi na Zaključak koji smo usvojili na 6. sjednici OV, a vezan je za divlju deponiju na teritoriji općine Breza. Jer do sada nismo dobili nikakvu informaciju, šta je činjenično stanje i da li se išta uradilo po tom pitanju? Da li je ta divlja deponija zaista divlja deponija i da li ima ikakve elemente koji zadovoljavaju bilo kakve ekološke ili bilo koje druge standarde?

Dario Dodik

10. Na 5. sjednici OV postavio sam pitanje vezano za rekonstrukciju puteva, asfaltiranje puteva na selima Pogar, Zaruđe i Očevija. Radi se o namjenskim sredstvima koja su dobijena od RH 2018., 2019. godine. Odgovoreno je da se za dva puta (Očevija i Zaruđe) već potpisani ugovori sa izvođačem. Međutim 4 mjeseca, prolazi građevinska sezona mi nismo vidjeli realizaciju tih projekata. Mene zanima ko je odgovoran zašto to nije realizirano do sada? Također sam postavio pitanje zašto nije urađen projekat i zašto nije potpisan ugovor za Pogar? Sada me interesuje da li je bilo šta urađeno od strane izvršne vlasti u proteklom periodu? Vezat ću se i na moje staro pitanje, za vodovod mi je tada odgovoreno da je u fazi testiranja i da će biti vrlo skoro pušten. Koliko ja znam vodovod na Pogari još uvijek nije pušten. Da nam se odgovori (Vijeću i građanima) konkretno kada su planirane realizacije ovih projekata sa određenim datumom, bar odgovor u kojem mjesecu će doći do realizacije.

Sahudina Beganović

11. Tragom Inicijative koju sam uputila, a nisam dobila odgovor, da se napravi plan uređenja kako bi mi nakon 4 godine mogli da građanima predstavimo naš rad. Kada će se popraviti prilaz Kuli C? Nalazi se u centru grada, stanuje starija populacija u toj zgradi, dio zida je odvaljen i stavljen na sredinu puta.

Šaban Ibrišimović

12. Mještani gornjeg sela Stupnog Dola su me zamolili da se konačno riješi pitanje sanacije ulične rasvjete. Rasvjeta se poremetila najvjerojatnije od kupca drvnih asortimenata tokom utovara. Već nekoliko mjeseci nije funkcionalan.

13. Kao MZ Dragovići smo podnosili Inicijativu nadležnoj Općinskoj službi u vezi izrade nove procjene ugroženosti od vrlo opasnog Hazarda, poplave u naselju Kolakovići MZ Dragovići. U tom slivu se vrše doznake, nagibi su preko 50 stepeni. Također sam naveo u Inicijativi da je starosni prosjek preko 60 godina, znači da imamo dodatnu obavezu da natjeramo Općinski organ da uradi novu procjenu ugroženosti stanovništva i materijalne imovine.

Općinski načelnik Zdravko Marošević pod aktuelnim pitanjima nije imao obraćanje.

Predsjedavajuća OV stavila je na raspravu Zapisnik sa 7. sjednice OV.

Nije bilo primjedbi predsjedavajuća OV stavila je na izjašnjavanje Zapisnik sa 7. sjednice OV i nakon izjašnjavanja vijećnika konstatuje da je **jednoglasno sa (17 glasova „ZA“)** (odsutni vijećnici Maja Berberović i Šaban Ibrišimović) **usvojen Zapisnik sa 7. sjednice OV.**

Predsjedavajuća OV stavila je na raspravu prijedlog dnevnog reda za **8. sjednicu** OV koji je usaglašen na Kolegiju Općinskog vijeća.

Predsjedavajuća OV upoznala je prisutne da su na današnjoj sjednici prisutni predstavnici Kantonalnog zavoda za urbanizam i prostorno uređenje Ze-do kantona koji su nosioci izrade Prostornog plana općine Vareš i u vezi s tim predložila je da tačka 1. bude Nacrt Prostornog plana općine Vareš (2018-2038. godina), tačka 2. Nacrt Odluke o provođenju Prostornog plana općine Vareš za period 2018-2038. godine, tačka 3. Izvještaj o izvršenju budžeta/proračuna Općine Vareš za period januar/siječanj-juni/lipanj 2021. godine. Ostale tačke ostaju nepromijenjene.

Nije više bilo učesnika u raspravi i predsjedavajuća OV stavila je na izjašnjavanje prijedlog dnevnog reda 8. sjednice OV sa predloženom izmjenom i nakon izjašnjavanja vijećnika konstatuje da **je jednoglasno (sa 17 glasova „ZA“)** (odsutni vijećnici Maja Berberović i Šaban Ibrišimović) **usvojen sljedeći**

D n e v n i r e d

1. Nacrt Prostornog plana općine Vareš (2018-2038. godina).
Izvestilac: Ermin Musa.
2. Nacrt Odluke o provođenju Prostornog plana općine Vareš za period 2018-2038. godine.
Izvestilac: Ermin Musa.
3. Izvještaj/izvješće o izvršenju budžeta/proračuna Općine Vareš za period januar/siječanj – jun/lipanj 2021. godine.
Izvestilac: Općinski načelnik.
4. Prijedlog Odluke o izmjeni i dopunama Poslovnika o radu Općinskog vijeća Vareš (Novi prečišćeni tekst).
Izvestilac: Dario Dodik.
5. Izvještaj o radu Komisije za popis stanova koji su u vlasništvu Općine Vareš.
Izvestilac: Komisija.

6. Izvještaj o realizaciji Programa rada Općinskog vijeća Vareš za prvo polugodište 2021. godine.
Izjestilac: Sekretar OV.
7. Prijedlog Zaključka o ispravci Rješenja, broj: 01-151/21 od 29.07.2021. godine.
Izjestilac: Ermin Musa.
8. Izvještaj o stanju zaštite od požara na području općine Vareš sa akcentom na realizaciju Plana zaštite od požara.
Izjestilac: Ibrahim Spahić.
9. Informacija o stanju opremljenosti Profesionalne vatrogasne jedinice Općine Vareš i DVD na području općine Vareš.
Izjestilac: Ibrahim Spahić.
10. Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godine, za 2020. godinu.
Izjestilac: Ibrahim Spahić.
11. Informacija o rekonstrukciji i izgradnji regionalnog puta R-444 Podlugovi-Breza-Vareš-Vijak-Podkamensko i R-444a Vareš-Bobovac-Kraljeva Sutjeska.
Izjestilac: Ermin Musa.
12. Informacija o stanju lokalne i regionalne putne mreže na području općine Vareš.
Izjestilac: Ermin Musa.
13. Informacija o provedenim aktivnostima u okviru projekta LIFE u 2020. godini.
Izjestilac: Rusmir Berberović.
14. Informacija o vodosnabdijevanju i odvozu smeća na području općine Vareš.
Izjestilac: Ermin Musa.
15. Tekuća pitanja.

Ad. 1.

(Nacrt Prostornog plana općine Vareš (2018-2038. godina).

Pomoćnik načelnika Ermin Musa dao je dodatno pojašnjenje za ovu tačku dnevnog reda i upoznao Vijeće sa hronološkom procedurom izrade Nacrta Prostornog plana općine Vareš za period 2018-2038. godina.

Predstavnici Kantonalnog zavoda za urbanizam i prostorno uređenje Ze-do kantona koji su i nosioci izrade, Vijeću su prezentirali skraćenu verziju Nacrta Prostornog plana općine Vareš za period 2018-2038. godina i dali određena pojašnjenja u vezi istog.

Otvorena je rasprava u kojoj su iznijeli svoje prijedloge, pitanja, primjedbe i mišljenja vijećnici: Mahira Brkić (*skrenula pažnju na tehničke ispravke i određene podatke koji su navedi u Nacrtu Prostornog plana*), Emir Islamović (*pitanje u vezi zaštićenih područja, ograničenja građevinskih radova i pravnog puta nadoknade sredstava zbog ograničenih radova*), Mirnes Ajanović (*skrenuo pažnju na značaj šuma i šumskog zemljišta, vode, rude i*

sl., i odnosu kantona prema našoj lokalnoj zajednici), Dario Dodik (skrenuo pažnju na lokacije koje imaju začetke turizma, da se iste uvrste u Plan-Sjenokos, Pogar, Strica Zaruđe), Nikola Šimić (skrenuo pažnju na infrastrukturu, preategorizaciju puteva na općini Vareš) i Mario Mirčić.

Predstavnici Kantonalnog zavoda dali su odgovore na postavljena pitanja vijećnika u raspravi i dodatna pojašnjenja.

Predsjedavajuća OV sugerisala je nosiocu izrade Prostornog plana da uvaži sve primjedbe vijećnika iznesene u današnjoj raspravi.

Zaključena je rasprava i predsjedavajuća OV predložila je i stavila na izjašnjavanje sljedeći

Zaključak:

- Usvaja se Nacrt Prostornog plana općine Vareš (2018-2038. godina).
- Nacrt Prostornog plana općine Vareš (2018-2038. godina) iz tačke 1. ovog Zaključaka upućuje se na javnu raspravu u trajanju od 30 dana.
- Zadužuje se Općinski načelnik i Služba za prostorno uređenje da provedu raspravu u skladu sa članom 111., 112 i 113. Poslovnika o radu OV Vareš (Novi prečišćeni tekst) i da obavezno konsultuju Mjesne zajednice u skladu sa članom 62. Statuta Općine Vareš.
Predlagač će na osnovu današnje rasprave i prijedloga datih u toku javne rasprave, sačiniti Prijedlog i isti dostaviti Vijeću na razmatranje i usvajanje uz Izvještaj o provedenoj raspravi.
- Ovaj Zaključak stupa na snagu danom donošenja.

Nakon izjašnjavanja vijećnika predsjedavajuća OV konstatuje da je **jednoglasno (sa 17 glasova „ZA“)** (odsutni vijećnici Maja Berberović i Šaban Ibrišimović) **usvojen predloženi Zaključak.**

Ad. 2.

(Nacrt Odluke o provođenju Prostornog plana općine Vareš za period 2018-2038. godine.)

Komisija za statutarna pitanja i propise na 6. sjednici održanoj 21.09.2021. godine jednoglasno je donijela sljedeći Zaključak:

- **Komisija nema primjedbi na Nacrt Odluke o provođenju Prostornog plana općine Vareš za period 2018-2038. godine, te je upućuje Vijeću na razmatranje.**

Pomoćnik načelnika Ermin Musa dao je pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV predložila je i stavila na izjašnjavanje sljedeći

Zaključak:

- Usvaja se **Nacrt Odluke o provođenju Prostornog plana općine Vareš za period 2018-2038. godine.**

- **Nacrt Odluke o provođenju Prostornog plana općine Vareš za period 2018-2038. godine iz tačke 1. ovog Zaključka upućuje se na javnu raspravu u trajanju od 30 dana.**

- **Zadužuje se Općinski načelnik i Služba za prostorno uređenje da provedu raspravu u skladu sa članom 111., 112 i 113. Poslovnika o radu OV Vareš (Novi prečišćeni tekst) i da obavezno konsultuju Mjesne zajednice u skladu sa članom 62. Statuta Općine Vareš.**

Predlagač će na osnovu današnje rasprave i prijedloga datih u toku javne rasprave, sačiniti Prijedlog i isti dostaviti Vijeću na razmatranje i usvajanje uz Izvještaj o provedenoj raspravi.

-Ovaj Zaključak stupa na snagu danom donošenja.

Nakon izjašnjavanja vijećnika predsjedavajuća OV konstatuje da **je jednoglasno (sa 17 glasova „ZA“) (odsutni vijećnici Amela Brkić i Šaban Ibrišimović) usvojen predloženi Zaključak.**

Predsjedavajuća OV zahvalila se predstavnicima Kantonalnog zavoda na učešću u radu današnje sjednice i u ime OV pozvala građane općine Vareš da se u što većem broju odazovu Javnoj raspravi o Nacrtu Prostornog plana općine Vareš i Nacrtu Odluke o provođenju Prostornog plana općine Vareš za period 2018-2038. godine.

Ad.3.

(Izvještaj/Izvješće o izvršenju budžeta/proračuna Općine Vareš za period januar/siječanj-jun/lipanj 2021. godine.)

Komisija za privredu, finansije i budžet na 3. sjednici održanoj 24.09.2021. godine sa 3 glasa „ZA“ i 1 glasom „PROTIV“ donijela je sljedeći Zaključak:

- **Komisija prihvata Izvještaj/izvješće o izvršenju budžeta/proračuna Općine Vareš za period januar/siječanj – juni/lipanj 2021. godine i isti se upućuje Vijeću na razmatranje.**

Komisija je jednoglasno sa 4 glasa „ZA“ donijela sljedeći Zaključak:

- **Komisija apeluje Općinskom načelniku da se do kraja tekuće godine počne provoditi Odluka o pokretanju aktivnosti na prelazak na trezorsko poslovanje, po Odluci OV broj: 01-48/17 od 28.02.2017. godine.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su iznijeli svoja mišljenja, primjedbe i pitanja vijećnici: Nedžad Mušanović (postavio pitanje u vezi sredstava za ugovorene i druge posebne usluge, telefonske usluge i sl.), Malik Rizvanović (*uz dato pojašnjenje traži odgovor u vezi Ugovora*

o djelu, subvencije za mjesečne karte učenicima, isplaćenih sredstava za udruženja građana i sl.), Maja Berberović (postavila pitanje u vezi obavezama Općine Vareš prema dobavljačima, da li ima preuzetih obaveza i obaveza gdje postoji zastara), Mirza Fatić ispred predlagača dao dodatno pojašnjenje i odgovore na postavljena pitanja vijećnika, Emir Islamović (replika u vezi izdataka za telefon), predsjedavajuća Mahira Brkić, Općinski načelnik Zdravko Marošević (iznio svoje mišljenje u vezi određenih primjedbi iznesenih u raspravi i dao pojašnjenja u vezi određenih rashoda), Dario Dodik, Načelnik (replika) i Mirnes Ajanović.

Zaključena je rasprava i predsjedavajuća OV stavila je na izjašnjavanje Izvještaj/Izvješće o izvršenju budžeta/proračuna Općine Vareš za period januar/siječanj – juni/lipanj 2021. godine.

Nakon izjašnjavanja vijećnika predsjedavajuća OV konstatuje da **je sa 11 glasova „ZA“, 7 glasova „PROTIV“ i 1 „SUZDRAŽNIM“ glasom usvojen**

***Izvještaj/Izvješće o izvršenju budžeta/proračuna Općine Vareš
za period januar/siječanj-juni/lipanj 2021. godine.***

Ad.4.

*(Prijedlog Odluke o izmjeni i dopunama Poslovnika o radu
Općinskog vijeća Vareš (Novi prečišćeni tekst).*

Komisija za statutarna pitanja i propise na 6. sjednici održanoj 21.09.2021. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o izmjeni i dopunama Poslovnika o radu Općinskog vijeća Vareš (Novi prečišćeni tekst), te je upućuje Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o izmjeni i dopunama Poslovnika o radu Općinskog vijeća Vareš (Novi prečišćeni tekst).

Nakon izjašnjavanja vijećnika predsjedavajuća OV konstatuje da **je jednoglasno (sa 18 glasova „ZA“)** (odsutan vijećnik Nikola Šimić) **usvojena**

***Odluka o izmjeni i dopunama Poslovnika o radu
Općinskog vijeća Vareš (Novi prečišćeni tekst).***

Ad.5.

*(Izvještaj o radu Komisije za popis
stanova koji su u vlasništvu Općine Vareš.)*

Otvorena je rasprava u kojoj su učestvovali vijećnici: Nurdin Begović (ispred Komisije za popis stanova dao je dodatno pojašnjenje za ovu tačku dnevnog reda i u svom

obraćanju predložio **Zaključak:** *Zadužuje se Općina Vareš da nakon uknjižbe stanova, regulisanja svih pravnih pitanja prati provedbe drugih procedura, jedan dio stanova (minimalno njih sedam) odredi i na prodaju, da gdje isključivi kupci istih mogu biti mladi ljudi shodno Zakonu o mladima FBiH uključujući član 42. spomenutog Zakona.), Nazif Hajrić (predložio da se kriteriji za dodjelu stanova dostave Vijeću na očitovanje), Mahira Brkić (podsjetila je vijećnika Hajrića i ostale da je Vijeće na prošloj sjednici donijelo zaključak kojim se Služba za prostorno uređenje zadužila da pripremi prijedlog odluke sa jasnim kriterijima), Maja Berberović (uz pojašnjenje predložila da se prilikom donošenja ovakvih zaključaka odredi rok za realizaciju istih) i Dario Dodik (predložio da u Odluci predvidi se i obaveza da lica koja dobiju ugovor za korištenje stanova, da su dužni jednom godišnje dostaviti dokaze o svom stanju socijalne potrebe).*

Općinski načelnik Zdravko Marošević u svom obraćanju naglasio je da pored stanova za socijalne slučajeve treba predvidjeti i stanove za vanredne okolnosti o čemu je dao i pojašnjenje. Još jednom je skrenuo pažnju na primjedbe određenih građana na rad Komisije.

Predsjedavajuća OV skrenula je pažnju da su uposlenici Jedinog općinskog organa kao i vijećnici, servis građanima općine Vareš. Apelovala je Načelniku da se shodno zakonu o službenicima i namještenicima, ukoliko se bude ponavljalo kršenje istog počne provoditi disciplinski postupak. Također i u slučajevima kada službe ne postupe po zaključcima OV, odnosno u određenom roku ne dostave Vijeću traženo, da se protiv nadležnih pokrene disciplinski postupak.

Vijećnik Nurdin Begović javio se za repliku.

Predsjedavajuća OV podsjetila je Vijeće na Zaključak sa 7. sjednice OV koji glasi „Na osnovu člana 119. stav 3. Poslovnika o radu općinskog vijeća (Novi prečišćeni tekst) broj 01-132/20 od 19.10.2020. godine prijedlog Odluke o izmjeni Odluke o davanju u zakup stanova Općine Vareš vraćamo predlagачu i to da član 5. važeće Odluke ostaje isti, odnosno da se stanovi i dalje daju u zakup na osnovu Javnih poziva. Da se izmjeni i član 8. važeće Odluke i to na način kako je predloženo predmetnom Odlukom.

U slučajevima kada se mora djelovati ad hoc, dati načelniku mogućnost da bez pristanka i konsultacije OV reaguje u dodjeli stanova, na period ne duži od 90 dana, ali i da se u dopuni ove Odluke taksativno nabroje koji su to slučajevi.

Dopunu izvršiti i u smislu kriterija po kojima će neko po Javnom pozivu dobiti određeni stan u zakup.

Tražimo od nadležnih Službi mišljenja o uvrštavanju novog člana važeće Odluke, da li imamo pravo sredstva od zakupa stanova proglasiti namjenskim.“

Zaključena je rasprava i predsjedavajuća OV je pored ponuđenih zaključaka u Izvještaju o radu Komisije za popis stanova koji su u vlasništvu Općine Vareš i na osnovu zaključaka koje je Vijeće donijelo na 7. sjednici OV, te prijedloga vijećnika Dodika i Begovića, predložila i stavila na izjašnjavanje sljedeći

Zaključak:

- **Nalaže se Službi za prostorno uređenje da za narednu 9. sjednicu OV pripremi Prijedlog Odluke o izmjenama i dopunama Odluke o zakupu stanova i kriterije koji su sastavni dio te Odluke, i da pri tome uvrsti prijedloge vijećnika Daria Dodik(predložio da u Odluci predvidimo i obavezu da oni koji dobiju Ugovor za korištenje stanova, da su dužni jednom godišnje da dostavljaju dokaze o svom stanju socijalne potrebe) i vijećnika Nurdina Begovića (predložio da se zaduži Općina Vareš da nakon uknjižbe stanova, regulisanja svih pravnih pitanja prati i provedbe**

drugih procedura, jedan dio stanova minimalno njih 7 odredi i na prodaju, gdje isključivi kupci istih mogu biti mladi ljudi shodno Zakonu o mladima FBiH uključujući član 42. spomenutog Zakona).

Nakon izjašnjavanja vijećnika predsjedavajuća OV konstatuje da je **jednoglasno (sa 18 glasova „ZA“** (odsutan vijećnik Nikola Šimić) **usvojen predloženi Zaključak i**

***Izveštaj o radu Komisije za popis
stanova koji su u vlasništvu Općine Vareš***

Predsjedavajuća OV dala je pauzu u trajanju 20 minuta.

Nastavljeno je sa radom današnje sjednice.

Ad.6.

***(Izveštaj o realizaciji Programa rada
Općinskog vijeća Vareš za prvo polugodište 2021. godine)***

Sekretar OV Leon Pavlović dao je dodatno pojašnjenje za ovu tačku dnevnog reda i odgovor predsjedavajućoj OV na pitanje u vezi nerealizovanih akata koji su planirani po Programu rada OV. Predložio je Zaključak OV „*Da Vijeće traži da Općinski načelnik preko svojih pomoćnika insistira i pooštri mjere da oni pristupe ozbiljnije prema svome poslu i odnosu prema Vijeću kod izrade onih tematskih i normativnih cjelina koje su Programom o radu OV utvrđene.*“

Otvorena je rasprava u kojoj su učestvovali vijećnici: Maja Beberović (*skrenula je pažnju na zaključak OV sa prošlih sjednica da u slučaju kada se Vijeću treba dostaviti određena informacija koja je planirana po Programu rada OV, a po istoj nije bilo aktivnosti, da se ista dostavi Vijeću kao takva sa tekstom da po toj tematici nije bilo aktivnosti*), Dario Dodik (*zahtijeva ozbiljniji pristup rada izvršne vlasti i općinskih službi*) i Emir Islamović (*da li ima plan izmirenja dugovanja za vijećničke paušale i naknade za rad komisija.*).

Predsjedavajuća OV pozvala je pomoćnika načelnika Ermina Musu da Vijeće upozna sa razlozima zbog kojih nije realizovan Prijedlog Odluke o utvrđivanju površina za parkiranje motornih vozila.

Pomoćnik načelnika Ermin Musa u svom obraćanju upoznao je Vijeće da je u fazi izrade Prijedlog Odluke o utvrđivanju površina za parkiranje motornih vozila i da će isti biti dostavljen Vijeću na razmatranje do kraja tekuće godine kao i Prijedlog strategije razvoja lokalnih cesta i ulica u gradu i naseljima za period od 2021. do 2031. godine,

Zaključena je rasprava i predsjedavajuća OV stavila je na izjašnjavanje Izveštaj o izvršenju Programu rada Općinskog vijeća Vareš za prvo polugodište 2021. godine.

Nakon izjašnjavanja vijećnika predsjedavajuća OV konstatuje da je **jednoglasno (sa 16 glasova „ZA“** (odsutni vijećnici: Nikola Šimić, Sahudina Beganović i Edib Zubača) **usvojen**

***Izveštaj o realizaciji Programa rada
Općinskog vijeća Vareš za prvo polugodište 2021. godine.***

Ad.7.

*(Prijedlog Zaključka o ispravci
Rješenja broj: 01-151/21 od 29.07.2021. godine.)*

Predsjedavajuća OV pozvala je pomoćnika načelnika Ermina Musu da Vijeću da dodatno pojašnjenje za ovu tačku dnevnog reda. Skrenula je pažnju da se vodi računa da ne dolazi više do ovakvih grešaka prilikom izrade akata. O istom je dala pojašnjenje

Pomoćnik načelnika Ermin Musa upoznao je Vijeće da je prilikom izrade Prijedloga Rješenja došlo do tehničke greške (greška navedenog broja parcele i katastarske općine).

Zatvorena je rasprava i predsjedavajuća OV stavila je na izjašnjavanje Prijedlog Zaključka o ispravci Rješenja broj: 01-151/21 od 29.07.2021. godine.

Nakon izjašnjavanja vijećnika predsjedavajuća OV konstatuje da **je sa 15 glasova „ZA“ i 1 „SUZDRŽANIM“** (odsutni vijećnici: Sahudina Beganović, Nikola Šimić i Edib Zubača) **glasom usvojen**

Zaključak o ispravci Rješenja broj: 01-151/21 od 29.07.2021. godine.

Ad.8.

*(Izveštaj o stanju zaštite od požara na području općine Vareš
s akcentom na realizaciju Plana zaštite od požara.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Izveštaj o stanju zaštite od požara na području općine Vareš s akcentom na realizaciju Plana zaštite od požara.

Nakon izjašnjavanja vijećnika predsjedavajuća OV konstatuje da **je jednoglasno (sa 16 glasova „ZA“)** (odsutni vijećnici: Sahudina Beganović, Nikola Šimić i Edib Zubača) **usvojen**

***Izveštaj o stanju zaštite od požara na području općine Vareš
s akcentom na realizaciju Plana zaštite od požara***

Ad.9.

*(Informacija o opremljenosti Profesionalne vatrogasne
jedinice Općine Vareš i DVD na području općine Vareš.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o opremljenosti Profesionalne vatrogasne
jedinice Općine Vareš i DVD na području općine Vareš.***

Ad.10.

(Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godine, za 2020. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Emir Islamović tražio pojašnjenje koje su to nepredviđene okolnosti zbog kojih su radovi na određenim projektima prolongirani.

Zaključena je rasprava i predsjedavajuća OV konstatuje uz **Zaključak da je Vijeće primilo k znanju**

Informaciju o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godine, za 2020. godinu.

Ad.11.

*(Informacija o rekonstrukciji i izgradnji regionalnog puta
R-444 Podlugovi-Breza-Vareš-Vijak-Podkamensko i
R-444a Vareš-Bobovac-Kraljeva Sutjeska.)*

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz **Zaključak da je Vijeće primilo k znanju**

***Informaciju o rekonstrukciji i izgradnji regionalnog puta
R-444 Podlugovi-Breza-Vareš-Vijak-Podkamensko i
R-444a Vareš-Bobovac-Kraljeva Sutjeska.***

Ad.12.

(Informacija o stanju lokalne i regionalne putne mreže na području općine Vareš.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Salih Memić – „U ovoj Informaciji navedeni su pojedini lokalni putevi gdje su izražena ulegnuća i udarne rupe. Ja sam kroz vijećnička pitanja iznosio problematiku lokalnog puta Dabravine-Luke koji je zaista u katastrofalnom stanju. U zadnje vrijeme jako je teško, pa skoro je i nemoguće izbjeći te udarne rupe. Sredstva su bila uplaćena od strane Kantonalne uprave Civilne zaštite u 2017. godini, a realizacija nije nikada izvršena. Zanima me šta je sa namjenskim sredstvima za ovaj lokalni put i zašto nije izvršena realizacija tog projekta. Ovaj moj osvrt želim da se unese u potpunosti u Zapisnik.“

Zaključena je rasprava i predsjedavajuća OV konstatuje uz **Zaključak da je Vijeće primilo k znanju**

***Informaciju o stanju lokalne i regionalne
putne mreže na području općine Vareš.***

Ad.13.

*(Informacija o provedenim aktivnostima
u okviru projekta LIFE u 2020. godini.)*

Predlagatelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV konstatuje uz Zaključak da je **Vijeće primilo k znanju**

***Informaciju o provedenim aktivnostima
u okviru projekta LIFE u 2020. godini.***

Ad.14.

(Informacija o vodosnadbijevanju i odvozu smeća na području općine Vareš.)

Predlagatelj nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Nedžad Mušanović uputio pozitivne komentare na rad JKP d.o.o. Vareš u vodosnadbijevanju i odvozu smeća na području općine Vareš.

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

***Informaciju o vodosnadbijevanju i
odvozu smeća na području općine Vareš.***

Predsjedavajuća OV dala je pauzu u trajanju od 5 minuta.

Nastavljeno je sa radom današnje sjednice.

Ad.15.

(Tekuća pitanja.)

Predsjedavajuća OV upoznala je prisutne sa pristiglom poštom:

1. Predsjedavajuća OV podsjetila je na upućenu Inicijativu na današnjoj sjednici dostavljenoj od vijećnika Saliha Memić u vezi liječenja četverogodišnje djevojčice Asje Mahmutović u iznosu od 5.000,00 KM iz Dabravina, općina Vareš. Upoznala je prisutne da je u vezi spomenute Inicijative, Općinski načelnik dao očitovanje i uz suglasnost Načelnika predsjedavajuća je predložila i stavila na izjašnjavanje sljedeći

Zaključak:

Općinsko vijeće Vareš daje saglasnost Općinskom načelniku da iz budžeta Općine Vareš za 2021. godinu uplati sredstva u iznosu od 5000,00 KM u svrhu liječenja djevojčice Asje Mahmutović iz Dabravina, općina Vareš.

Sredstva uplatiti na žiro račun oca Aladina Mahmutović, UniCredit Banka broj: 3385802155907232.

Ovaj Zaključak stupa na snagu danom donošenja.

Nakon izjašnjavanja vijećnika predsjedavajuća OV konstatuje **da je jednoglasno (sa 16 glasova „ZA“)** (odsutni vijećnici: Nikola Šimić, Sahudina Beganović i Edib Zubača) **usvojen predloženi Zaključak.**

2. Zahtjev za zamjenu parcela od 22.09.2021. godine, dostavljen od Fuada Memića Luke bb Dabravine, općina Vareš.

Predsjedavajuća OV je konstatovala da je Zahtjev upućen Službi za prostorno uređenje na izjašnjavanje.

3. Dopis/Saopćenje koordinacije temeljnih boračkih udruženja ARBiH "VAREŠ 92-95" broj: 09-29/21 od 29.09.2021. godine u kome osuđuju sva van institucionalna djelovanja koja štete dobrim međuljudskim odnosima u našem Varešu.

Predsjedavajuća OV upoznala je prisutne i javnost sa sadržajem Saopćenja.

4. Zamjenik predsjedavajuće Mirnes Ajanović u ime Općinskog vijeća Vareš je u vezi sa aktuelnim dešavanjima pokušaja narušavanja međunacionalnih odnosa na općini Vareš, pročitao Izjavu za medije i građane koju su prihvatili svi vijećnici i koja glasi:

„u vezi sa aktuelnim dešavanjima pokušaja narušavanja međunacionalnih odnosa na općini Vareš, kroz dizanje tenzija najvećim dijelom putem društvenih mreža i portala, kroz širenje govora mržnje i protivzakonitog djelovanja, od strane pojedinaca, kao Općinsko vijeće osuđujemo svaki govor mržnje i širenje netolerancije među narodima koji ovdje žive.

Pozivamo nadležne institucije u prvom redu Policijsku stanicu u Varešu, da se snažno angažuje na otkrivanju i procesuiranju počinioca koji su uzrokovali širenje međunacionalne mržnje i netolerancije.

Molimo i sve građane na uzdržanost i dalju izgradnju dobrih multietičnih odnosa u našoj lokalnoj zajednici koja je imperativ bilo kakvog napretka i boljeg zajedničkog života za sve narode i građane koji žive na teritoriji općine Vareš, a po čemu je naša sredina specifična i prepoznata.“

5. Predsjedavajuća OV upoznala je prisutne da građana koji žive u stambenom objektu „Trokuće“ S 41/2 ulica Majdanska, Vareš Majdan mole da se postave jedno ili dva rasvjetna tijela na spomenutoj lokaciji do korita rijeke Stavnje (nadležnost Općine Vareš).

Općinski načelnik Zdravko Marošević u svom obraćanju upoznao je prisutne sa aktivnostima na sanaciji javne rasvjete u gradu, odnosno sa započetim aktivnostima na izradi Studija (projekta rješenja) javne rasvjete za gradsko područje. Izjavio je da će na jednoj od narednih sjednica, Vijeće biti dostavljeno isto na razmatranje i odlučivanje. Izjavio je da će spomenuti problem, odnosno postavljenje rasvjetnog tijela pored objekta „Trokuće“ u skorije vrijeme biti riješeno.

6. Predsjedavajuća OV upoznala je Vijeće sa problemom ulegnuća na regionalnoj cesti pored objekta „Trokuća“ S 41/2 Vareš Majdan. U vezi s tim predložila je i stavila na izjašnjavanje sljedeći

Zaključak:

Općinsko vijeće Vareš traži od Kantonalne direkcije cesta ZDK da što hitnije reaguje, te na regionalnoj cesti R 444 ulica Majdanska iznad „Trokuća“ S 41/2 Vareš Majdan postavi ivičnjake i napravi određenu vrstu propusta kako se kišnica sa regionalne ceste ne bi slijevala direktno na pomenuti stambeni objekat

što već sad prijeti da nanese ogromnu štetu stanovnicima, pa čak dođe i do urušavanja samog objekta.
Napominjemo da sva kišnica sa ceste direktno ide na stambeni objekat i tako potkopava stambenu jedinicu.

Ovaj Zaključak stupa na snagu danom donošenja.

Nakon izjašnjavanja vijećnika predsjedavajuća OV konstatuje da **je jednoglasno (sa 16 glasova „ZA“)** (odsutni vijećnici: Nikola Šimić, Sahudina Beganović i Edib Zubača) **usvojen predloženi Zaključak.**

7. Vijećnik Nurdin Begović u ime Vijeća roditelja djece koja su korisnici usluga JPU Dječije obdanište Vareš upoznao je Vijeće sa potrebnim radovima na saniranju i popravci u javnoj ustanovi. Apeluje Općini Vareš da sa Vijećem roditelja iznađe način ili kroz eventualne projekte bar se izvrše radovi na sanaciji sanitarnog čvora (topla voda).
8. Vijećnik Šaban Ibrišimović uz dato obrazloženje podnio je i Vijeće upoznao sa Inicijativom o tehničkom rješenju raskrsnice za Striježovo u Pajtov Hanu na regionalnoj cesti R 444.
9. Vijećnica Maja Berberović u vezi svih inicijativa i prijedloga za rješavanje problema sanacije i određenih radova koje je potrebno uraditi na regionalnoj cesti R 444, podsjetila je prisutne da je ona na jednoj od prošlih sjednica predlagala da Vijeće uputi inicijativu prema Kantonalnoj direkciji za ceste da se napravi četverogodišnji plan rekonstrukcije i sanacije regionalne ceste R 444. Predložila je da Vijeće na jednoj od narednih sjednica takvu inicijativu uputi prema nadležnim u kantonu.

Predsjedavajuća OV apelovala je da se uputi Službi za prostorno uređenje i onda prema nadležnim u kantonu.

10. Predsjedavajuća OV upoznala je Vijeće da je izašla iz Kluba SBB i da će od sada djelovati kao samostalna vijećnica.

Sastavni dio ovog Zapisnika je audio zapis sjednice.

Sjednica je završena u 19,55 sati.

SEKRETAR

Leon Pavlović

ZAPISNIČAR

Azra Pijadžer

**PREDSEDavajuća
OPĆINSKOG VIJEĆA**

Mahira Brkić